



隨園詩鈔

地



隨園詩鈔卷之三

清 錢塘 素枚 子才 著

日本上毛 河世寧子靜 選

五言律詩

過洞庭

秋老一峰晴已船過洞庭水搖天地白山入混茫青雲氣飛蓬背霜花落鴈翎今朝吟不得窓外有龍聽

借病

嬾忙翻愛病借病好吟詩細雨苔三逕春愁笛一枝日長衙放早官嬾吏來遲看鳥閑中物遊絲及地時

元旦後二日過牛首宿聚雲樓

新歲看山色官閑似我稀呼僧掃塵榻對佛解朝衣倦
鳥先入宿寒花學雪飛菩提龍樹下久坐竟忘歸

宿白土不寐

野店臥秋夜滿床如水生萬重心事集半點壁燈清欲
起慮驚衆無聊且數更一層紙窓白第五次鷄鳴

自杭州赴蘇泊船平望曉起望雪

一夜白如此小舟猶未行野飛花不斷春在樹無聲山
影依天盡沙光射擲明是誰掃蓬背冰玉響琮琤

月下彈琴

明月照青琴嫦娥似解音請彈流水曲遙答廣寒心孤
鳳語烟際清商飛遠林惟愁七絃絕不覺五更深

茅店

薄暮投茅店昏昏倦似泥草聲驢口健帘影客頭低几
仄燈依壁風停柳臥堤故鄉何處望斜月亂山西

過保陽同金太守質夫宿周燮堂署中作二首

人舊白頭新天涯倍愜神可憐談笑處同是別離身燈
影虛堂雨鶯聲客路春秦關千萬里腸轉似車輪
江南哀庾信僂耳老東坡白刃餘生健青雲舊夢多小
窓重剪燭大海早揚波莫斷醇醪飲蛟龍脫網羅

質夫
曾撰

潼關

雞唱三秦曉，潼關八扇開。九州疑地盡，匹馬上天來。城影高難落，河聲去不回。九泥忘禁谷，懷古有餘哀。

雨

當窻三日雨，對面一峰沈。花有消魂色，鶯無出樹心。怒蛙爭客語，新水學琴音。折竹教童試，前溪幾尺深。

僧房

僧房憑畫檻，流目眺平原。疎雨過千里，夕陽紅半邨。風涼花氣歛，室小佛香溫。昨日彈碁處，苔階隋子存。

春雨橋

橋下三春雨，年年落翠微。淡流花影去，寒咽磬聲希。屐自行來濕，僧從何處歸。烟絲吹未盡，散作野雲飛。

夜過借園見主人坐月下吹笛

秋夜訪秋士，先聞水上音。半天涼月色，一笛酒人心。響過碧雲近，香傳紅藕深。相逢清露下，流影濕衣襟。

自嘲

苦被詩書管，常驚日影過。印貪三面刻，墨慣兩頭磨。學老先扶杖，辭官早畏靴。賓朋名屢忘，偏記古人多。

寄香亭代柬原六

高城秋未落，作客汝先行。白髮空山夜，青燈獨坐情。池
塘尋遠夢，兄弟感來生。極目天邊月，清光送鴈聲。
弱冠編詩集，鼓城與鳳陽。馬頭昏楚漢，筆底自宮商。地
盡江南界，秋高古戰場。騷人風骨老，強半在他鄉。
木葉不知老，當秋尚亂飄。蟲聲入山大，風力出城驕。一
別歲將暮，相思路正遙。家書最珍重，封卷學芭蕉。

制府西園小修工畢游後賦呈宮保

原四

山事畢棲霞，山公坐晚衙。自安三品石，小綴一庭花。丘
壑憑心造，烟巒變客夸。數拳猶未足，探到野人家。
不繫舟如舊，亭臺事恰更添。廊通兩路，分竹散秋聲。石

罇蒼松補窓虛，碧瓦明公餘。射鵬慶揚葉，與雲平
自寫為山好，新詩賦六章。三江看雲物，四度感滄桑。水
靜遊魚樂，簾青夏日長。鳴鳩隔花報，春雨足新秧。

香亭自徐州還白下將歸鄉試作詩送之

原四

一別鬚如此，全家恠汝蒼。滄桑生面目，世事感星霜。到
眼園亭換，關心兒女長。阿兄難免俗，先要問歸囊。
聖主崇詩教，秋闈六韻加。今年得科第，比我更風華。五
字清高脫，三條畫燭斜。相期呼小宋，追步八磚花。

起早

起早殘燈在門闕，落日遲雨采蟬小。歌風到柳先知借。

陸園詩集 卷三 四
病常辭客知非又改詩蜻蜒無賴甚飛滿藕花枝

夜過瓜州

霜鴈一聲語烟江兩岸秋蘆花三十里吹雪滿船頭我
欲乘潮去孤帆夜不收蒼茫雲樹外明月出瓜州

明月

明月乍離海長風吹上天爭先眾星盡受影一峰先水
色金波灑秋心玉鏡圓雙雙木蘭漿搖落桂花烟

瞻園十咏為託師健方伯作

抱石軒

一軒當石起緊抱丈人峯花月分窓入烟蘿合戶封坐

憐紅日瘦行覺綠陰濃鳥問幽樓客人間隔幾重

題虎丘仰蘇樓八首兼贈祖印上人

全得虎丘勝無如祖印房紅欄半空出深樹一樓藏上
接諸天界倚橫選佛場飛花兼落葉終日滿禪床

五十三參處軒窓面面開嬉春看人過消夏等風來良
夜月千里遙天海一杯九龍山色好相對日崔巍

小憇千人石閑行七里塘吳歌分榜響春酒雜花香橋
僻船偏聚風回笛更長生憎官吏俗驅盡踏搖娘和戲元馬

病起贈薛一瓢

醫術非君好，雲池水恰清。九州傳姓氏，百鬼避聲名。江蘇病為屬所纏呼曰散藥如頌賦籌方當用兵衰年難薛君至矣即逃去

刀

出匣一條水，寒光射眼來。非關報仇事，生就殺人才。斜月當空冷，秋蓮帶雪開。他年用君處，含笑請君猜。

筆

上手得風雲，花生處處新。天交三寸管，命作一朝人。非箭常穿札，如仙不染塵。思量與君絕，終要等麒麟。

海棠下作

國色天原寵，東風盡力開。仙雲如海立，紅雨作潮來。消受難為福，形容苦費才。遙知花命婦，龜尚赴瑤臺。

二月初八日生一女原二

隊地無人賀，遙知瓦在床。為誰添健婦，懶去報高堂。妾想能招弟，佯懽且慰娘。江干好黃竹，打慣女兒箱。

十一月十八日又生一女

真是庶人命，雖風吹不清。緣何長至日，轉報一陰生。客厭來偏數，棋輸劫屢驚。呱呱雙瓦響，添作惱公聲。

俞楚江瀟湘看月圖

沙渚一聲鴈，瀟湘秋滿天。幽人方獨往，空水共澄鮮。明

月乍離海輕雲欲化烟魚龍聽竹笛知是小游仙

頌眼鏡

三年之中忽朝忽頌傷老之速也

老眼忽還童雙睛出匣中春水初照影秋月已當空細
字黃昏得孤花薄霧融今生留盼處敢不與君同

春風

春風如貴客一到便繁華來掃千山雪歸留萬國花有
情羅慢捲無力紙為斜慣送梅消息孤山處士家

秋蚊

回首日本集作衰世態

白鳥秋何急營營若有尋食官回首日刺客暮年心附
暖還依帳愁寒更苦吟憐他小蟲象也有去來今

黃岩道中

十里黃岩臥蕭蕭雨似麻老牛知讓路新蝶學穿花雲
動疑山活溪奔石欲斜黃昏行李濕惆悵宿僧家

過謝容巖有懷康樂公

一夢傳千古詩人重友于池塘應在此春草綠如初水
色芙蓉嫩苔痕屐齒疎相傳崖上篆猶是謝公書

客懷

妙理閑中得清談孰與聽松栢難起翠山遠自然青有
樹風才響無僧佛不靈眼前能指點即是度人經

贈彈詞盲女王三

絕妙摩登女生來色即空無人蒙一顧有曲唱三終月
好雲常掩花嬌睡更濃暗中休摸索我是白頭翁

陵陽鎮有寧氏者族八千人云自光武時卜居至
今未曾他徙余宿其家作詩贈之

建武有遺民陵陽住水濱不曾知魏晉那復羨朱陳一
姓同輸課千鼠自結隣欣欣鷄黍意雲外共迎賓

五言排律

隴上作

憶昔童孫小曾蒙大母憐勝衣先取抱弱冠尚同眠髻

影紅燈下書聲白髮前倚嬌頻索果逃學免施鞭敬奉
先生饌親裝稚子綿蒙珠真護惜軒鶴望騰蹇行藥常
扶背香花屢撫肩親隣驚寵極姊妹妬思偏玉陞臚傳
夕秋風楊發天望兒終有日道我見無年渺渺言猶在
悠悠歲幾遷果然官錦服未拜墓門烟返哺心雖急合
飴夢已捐恩難酬白骨淚可到黃泉宿草翻殘照秋山
泣杜鵑今宵華表月莫向隴頭圓

雪槁十二韻

戲把三冬雪裝成五尺槁欄干雲母琢坡級水精雕有
路瓊林近無波洛浦遙虹梁初臥地銀海不通潮踏恐

青鞋汚行，宜素手招弓垂，形宛轉驚立影飄，蕭玉杵聲
 聲軟蓮花步步嬌，斜陽烘反濕涼月照，難消白盡禪僧
 足高令，碣石標漸低，疑地陷小缺，是風撩，冒險將扶杖
 防鬆，更築鋏，須知仙意冷，度世不終朝。

隨園詩鈔卷之三

男三亥校

隨園詩鈔卷之四

清 錢塘 袁枚 子才 著

日本上毛 河世寧子靜 選

七言律詩

謝太傅祠

一笑翩然載酒行，東山女妓亦蒼生，能支江左偏安局，
 難遣中年以後情，花下殘棋兒破敵，燈前老淚客彈箏，
 荒祠隔葉黃鸝語，猶似當初絲竹聲。

巴陵道中

洞庭西去女郎祠，來慰行人有畫眉，山縣城荒關店早

戍樓燈遠泊船遲，方言莫辨思重譚。異鳥無名愧學詩，難得篙工解人意。每開牕處對花枝。

赤壁

一面東風百萬軍，當年此處定三分。漢家火德終燒賊，池上蛟龍竟得雲。江水自流秋渺渺，漁燈猶照荻紛紛。我來不共吹簫客，烏鵲寒聲靜夜聞。

到家

遠望蓬門樹彩竿，舉家相見問平安。同欣閨苑榮歸早，尚說長安得信難。壁上泥金經雨淡，窓前梅柳帶春寒。嬌癡小妹憐兄貴，教把宮袍著與看。

改官白下留別諸同年 原四

三年春夢玉堂空，珂馬蕭蕭落葉中。生本纊才甘外吏，去猶忍淚為諸公。紅蘭委露天無意，黃鵠摩霜夜有風。莫向河梁頻握手，古來溝水尚西東。

青溪幾曲近家居，天許安仁奉板輿。此去好修循吏傳，當年枉讀上清書。三生弱水緣何淺，一宿空桑戀有餘。手折芙蓉下人世，不知人世竟何如。

繞袖爐烟拂未消，征衫還帶五雲飄。江山轉眼離雙闕，風物從頭問六朝。報國文章公等在，出都僮僕馬蹄驕。他時烟雨琴河外，遠聽鈞天碧玉簫。

落花 原十

是皆以喻借此字是
懷抱更覺深切

江南有客惜年華，三月憑闌日易斜。
春在東風原是夢，生非薄命不為花。
仙雲影散留香雨，故國臺空賸館娃。
從古傾城好顏色，幾枝零落在天涯。
風雨瀟瀟春滿林，翠波簾幙影沈沈。
清華曾荷東皇寵，飄泊原非上帝心。
舊日黃鸝渾欲別，天涯綠葉半成陰。
榮衰花是尋常事，轉為韶光恨不禁。
后土難埋一瓣香，風前零落曉粧丹。
心狂自填溝壑，素手曾經捧太陽。
疎雨半樓人意懶，殘紅三月馬頭忙。
莫嫌上苑遮留少，宰相由來鐵石腸。

似欲翻身入翠微，一番烟雨寸心違。
粗枝大葉無人賞，落月啼烏有夢歸。
垂釣絲輕飄水面，踏青風小上春衣。
勸君好認瑤臺去，十二湘簾莫亂飛。
剪綠隋宮事莫論，天涯極目總消魂。
旗亭酒醒風千里，牧笛風回水一邨。
游子相逢總是別，養人有壽已無恩。
流年幾度殘春裡，潮落空江葉打門。

沐陽雜興 原三

誰言作令少公餘，沐地真堪奉板輿。
四季種花官荷鋪，六房如水吏抄書。
艸冠世襲諸生服，尾屋人驚豪士居。
廉吏不須封鮓去，馮驩久已食無魚。

偶成

不戴華陽自製冠，蛾眉獨畫要誰看。
學書未就求人苦，佳句雙存割愛難。
宦後始知貧賤好，瘦來頓覺早秋寒。
眼前有路名山去，願向盧敖借釣竿。

淮上中秋對月

長淮波冷碧雲殘，皎皎當空白玉盤。
四海共傳斯夕好，八年不在故鄉看。
銀河有影秋心老，仙露無聲雁背寒。
建業風情京國夢，一時和酒上眉端。

到江口

金川門外駐蘭橈，枕上誰家紫竹簫。
兩度秋光來白下，

一生風味愛南朝，銀砒落日無王氣。
血戰餘聲有怒潮，滿眼琳宮好雲物。
蘆花剪雪正千條，紅墻蕭寺小門開。
片片斜陽落葉哀，海色夜涼雙鷓語。
江心人靜一燈來，風搖逆水青天動。
鐘打空山白浪迴，擬挾金尊吹玉笛。
高歌先上鳳皇臺。

殘雪原三

捲簾殘雪望無窮，世事方知色即空。
萬片落花何處去，數聲流水一年終。
陰陽燼炭思元化，冷淡生涯怕熟中。
逐漸闌珊誰護惜，為渠容易惱春風。
一夕天風洗素粧，六宮粉黛減容光。
早教醞釀成霖雨，

是漸有餘芒

陸園詩鈔 卷四
敢為飄流怨太陽，湘水自沈青玉案。山人還戀白衣裳，
遼城鶴去無多日，收拾蓬萊萬斛霜。

答曾南邨論詩

捉筆先須問性情，風裁休劃宋元明。八音分列官商韻，
一代都存雅頌聲。秋月氣清千處好，化工才大百花生。
憐予官退詩偏進，雖不能軍好論兵。

春柳

已讓梅花一著先，尚傳芳訊早春天。驟開青眼如相識，
拋得黃金便少年。十里遠遮江店小，半生閑把酒旗眠。
東皇有意相憐惜，莫使橫陳大道邊。

牽雲曳雪滿關河，如此纏綿奈客何。學舞幾時才長大，
倚欄終日作嬌波。春閨離恨風前遠，故國斜陽笛裡多。
自笑青袍人照舊，那堪重唱叛兒歌。
裊裊薰黃帖地柔，鞦韆扶影出牆頭。受風身似羣花活，
照水眉生滿鏡愁。古渡有誰嘶白馬，酒家無處不青樓。
千條萬緒情難盡，舞到黃昏尚未休。

感懷 原二

江城宿霧曉陰陰，偷得閑身病屢侵。萬古少圓唯月色，
四時多恨是春心。少年好景風前憶，花底斜陽雨後尋。
二十詞臣三十吏，名場容易感升沈。

迎春

迎春莫怪春雞見好處從來過後知隔歲梅花報芳信
倚門楊柳望歸期無邊暖漏聲聲促有脚青旗步步移
料得東皇非長吏不應嫌我出郊遲

送春

驪歌樹上子規聲報道東皇出郡城久住似嫌芳草老
輕裝不帶落花行從今時節都無味留贈雲山尚有情
早識相逢遽相別當初翻悔下車迎

裘叔度宮詹祭禹陵過杭值余引病歸里相見有

贈原四

六橋烟柳古杭州聽唱皇華躍紫騮望氣早知天使至
抽身剛伴故人游八年風雨燈前夢一片銀河笛裡秋
今日狂奴狂減未問公何事尚搖頭
中朝典禮重儒林許握牙璋作越吟太史茫茫窺禹穴
詩人步步入山陰雷門鐘鼓秋風急古殿龍蛟水氣深
倘過芴羅花色好大夫莫動五湖心

偶成

自得隨園戶懶開三年車馬長莓苔謝安尚有東山夢
江左空懷管子才秋氣漸催雙鬢改夕陽親送六朝來
征鴻心事無人識飛去長天首不回

鬢邊

鬢邊初見一痕，絲對此茫茫事可知。排日急高行樂法，傷春怕憶少年時。會須自愛生前酒，難信人傳死後詩。著破阮亭千緡屐，果然臣叔不曾癡。

咏雪

東皇剪水正紛紛，吹上梅花不見痕。但覺關河開曙色，竟忘天地有黃昏。一生影落書窓好，半世身從玉案尊。記得西湖尋酒伴，斷橋西去最消魂。騎出青天白鳳皇，羅衣誰耐九秋霜。擬張廣廈遮寒士，可有多裘蓋洛陽。慈額風高花不穩，南山樹盡絹猶長。

朝來取共寒梅鬢，賤子平生有熱腸。

影蛾池北露盤西，埋我還須此際泥。半夜打窓春欲語，萬山失色影全低。荒江處處敲蓬背，冷巷深深印馬蹄。洒遍梧桐欺遍竹，鳳皇猶有一枝棲。一池清水變銀河，斜拂欄干細點波。遠客未歸秋塞外，天年其奈鬢邊何。分明落葉雲間舞，太覺好花天上多。我本姓袁高臥者，關門應唱郢中歌。

出山詞

天涯有客賦長征，身要從容馬不停。故節又從江左認，移文應向北山聽。梅花送我開如雪，春艸留人綠滿庭。

攬轡揮毫緣底事，幾行僮約付園丁。

十載青雲別鳳池，笑入鄧禹遍京師。重看傀儡登場日，又到邯鄲入夢時。白下笙歌催祖道，東山猿鶴問歸期。沿塘新種芙蓉樹，待得花開看是誰。

出門身在百花前，難免花枝笑獨眠。南陌馬衝紅杏雨，竹樓書鎖綠楊烟。長拋春色偏正月，小住名山合四年。薄官心情江上水，好風吹處便開船。

飛沙漠漠倚雕輪，情在蒼生累在身。此去愧非初嫁女，再來原是謫仙人。雲興海岳思為雨，花別桃源怕誤津。聽說金陵諸父老，望儂如望隔年春。

昔隋園得老尼

黃河

崑崙山頂星如火，飛落青天路莫探。九派濁流橫海內，一條衣帶界江南。清雖有日人難待，塞竟無時浪正酣。手拔長筴乘月去，滿堤官柳碧毵毵。

入都

舊遊重至倍關情，何況迢迢白玉京。銅狄我摩前世物，陽休人訝古賢名。入朝門戶層層記，到眼公卿一一驚。多少上林棲息處，似曾相識有宮鶯。

赴官秦中

十年辭闕竟重還，一檄文書又赴官。雙履鳧飛朝漢遠，

五羊皮少入秦難歌聲舊愛伊涼聽山色新添華嶽看
傳說關中多勝蹟男兒須到古長安
六朝雲物舊淹留更向咸陽作壯遊萬首詩編秦楚地
半生官領帝王州未知兩陝誰吾土孤負三吳說故侯
到得函關應四月行人爭耐一春愁

秦中雜感 原八

高登秦嶺望褒斜鐘鼓樓空噪暮鴉古井照殘宮殿影
書堂吹入戰場沙賀蘭風信三邊笛杜曲霜痕九塞花
每欲憑欄怕惆悵二千年是帝王家
天府長城勢壯哉秋風落葉滿章臺一關開閉隨王氣

絕頂河山感霸才安石本為江左出賈生偏過洛陽來
漢朝宣室知何處金馬門前月更哀
百戰風雲一望收龍蛇白骨幾堆愁旌旗影沒南山在
歌舞臺空渭水流天近易回三輔馬地高先得九州秋
扶風豪士能憐我應是當年馬少游

杜牧墓

蕭郎白馬遠從軍落日樊川弔紫雲客裡鶯花逢杜曲
唐朝春恨屬司勳高談澤潞兵三萬論定揚州月二分
手折芙蓉來酌酒有人風骨類夫君

立春前一日與徐鳳木朱艸衣集孟亭溪上草堂

限春字

一箇溪堂六酒人先春一日共尋春羹調小婦麤俱妙
月近元宵舊復新風作半琴鳴竹外燈分雙蓋鬪花身
明朝擬踏銀橋市各戴華陽自製巾

任處泉太守在山陰得陸放翁快閣故趾自倡七
律四章託石帆學士代徵和者

石帆學士寄雙魚代索廬山九錫書洛下久推白傅達
鑑湖蕙得陸家居百年剡曲秋風後二月蘭亭春水初
遙想墻東避世者幾枝花插短轆車

少年也有巢由在三十休官尚道遲勾漏郡中頗采藥

麒麟閣上只吟詩青松各據雲千尺野鷺同憐水一池
為訂西溪戴安道山陰明月是心期

尹官保四督江南寄詩問病依韻奉答

尚書來去石頭城野鶴孤眠廢送迎江上慶雲人四見
山中小草病重生隨車雨又因風至不繫舟還帶雪橫
寄與絳帷盧子幹新詩手跡若為情

竹皮冠小不輕彈抽得閑身病亦安地僻雲山容我懶
官卑進退較公寬浮雲過眼都陳迹古柏當空耐歲寒
未識西川嚴節度可來花下簇金鞍

春興五首

小倉山為一家青繞向吾廬作畫屏病起翻書如訪舊
春來養竹勝添下幽蘭九畹披香坐啼鳥雙柑帶笑聽
半角湘簾鈎暫捲楊花隨客入空庭
身居宏景三層閣家住香山八節灘愁踐落花時讓路
愛生春水獨憑欄朱藤架老蜂喧早薜荔墻高蝶過難
呼與園丁作僮約幾痕新雨試漁竿
心事山居日日幽風廊水榭足閑遊侵晨試墨書蕉葉
趁月彈琴上竹樓雙隊飛時知蝶喜十分開處替花愁
鸞臺婢子解人意勸放神仙藥玉舟
蕭蕭水木湛清華萬綠浮空塔影斜屋漏引來書帶草

家貧開瘦牡丹花無求每覺人情厚有命方知我志差
權作神仙天際想北窓跛脚鼓琵琶

碧雲英與玉浮梁酌向花神奏綠章謚作洞簫生有願
化為陶土死猶香春光解戀身將老世味深嘗興不狂
愛殺采奴論風物此心安處是吾鄉

是本集
作印

六月十四日尹宮保過隨園

小隊弓刀過野田八驕鳴向綠楊邊穿雲覓遍花間路
刑竹教通林外天坐久紅旗飄細雨歸遲喬木起蒼烟
尚書回首登臨地流水聲中二十年
野人籬落賜評量愛殺風琴響石林門小原非迎上客

樓高貪得見江光公樓門小樓高碧紗籠久詩箋淡紅藕花深
帽影涼慚愧公卿識姓名未曾逃去學韓康

還武林出城作

還鄉重出武林城天放湖光半日晴翠鳥衝烟飛雨後
花枝當路勸山行采桑人少蠶猶小街尾魚多水正清
三十年前舊遊處荒橋野店總關情

屢問前溪路幾重故鄉翻與異鄉同行人有出菜花上
邨女臂彎桑影中兩岸茶青三月暮一絲髮白萬懷空
傷心怕說南唐寺他日僧歸塔可紅

水軒主人招飲月下作

江城秋在酒人家酒對秋光興倍加風定竹呈千个字
霜高梅孕一身花紅鞭携出天山雪席間出谷密鞭相示紫菊排
成錦帳霞半夜風燈送行客滿牆醉影尚歌斜

做劍南小體詩

春日山居事事宜閉門行樂少人知亭移舊料功成早
樹換新泥葉發遲秃筆管仍裝麈尾斷琴絃更拗花枝
年來悟得忘名意除却風懷不咏詩

春影離離過畫廊送春人與蝶俱忙歌聲隔苑聽尤好
花氣隨風到始香稚女鳴環爭白紵旁妻蠲忿種青棠
消除長日知何事只有願心羨索郎

臨園詩集 卷四
朝烟暮雨倦登臨，閑倚危樓憶古今。螻蟻尚存封建法，
圍碁時見井田心。山花受月紅成白，池水如人淺不深。
中散春愁無着處，幽蘭閑處去彈琴。

春草

江城三月草烟綿，有客憑欄感歲年。雪後人歸春滿地，
馬頭風起影搖天。清明細雨長亭路，畫角斜陽南浦船。
欲采薜蘿歌水調，幾回愁過大堤邊。

吳元理秀才是余宰江寧時所拔童子以詩來謁，
粲然成章喜而有贈。

十年不見張童子，一卷公然負半千。繞筆蘭苔花照水，

盤空秋隼影橫天。青山置酒吾將老，白下稱才汝最先。
當日門生今小友，早探金海躡飛仙。

鏡

盈盈一水馬風神，惆悵山雞舞罷身。望去空堂疑有路，
照來如我竟無人。得知宜稱粧應改，解共悲懽汝最真。
願取蟠龍安四角，滿林花影盡橫陳。

簾

珍珠顏色月波光，只隔遊蜂不隔香。一道疑城花隱霧，
萬條斜竹水行蓬。山佩響仙彌遠，深院風停日更長。
搖蕩春痕鈎捲未，銜泥燕子待升堂。

燈

別酒淋浪夜雨聲空山紅處野風驚並無喜事花長報
為有黃昏色轉明歌舞當場春夢短江湖回首玉堂清
除將書卷雲鬢影不領銀釭一點情

扇

齊紈巧製愛天工白羽臨江水照空小撲流螢花逐外
分涼熱客樹陰中生無愧面遮寒士秋有餘恩感漢宮
憔悴年年箱篋裡誰知搖手滿懷風

杖

剡水雙藤健絕羣偏於足下最殷勤年來孤往常無路

海內相扶尚有君小拄心知深淺雪橫拖身逐往來雲
鄧林豈少狂奔者可奈虞淵日易曛

寄蔣茗生太史

壬申春過揚州見僧壁題詩絕佳末有茗生二
字遍訪無知者態滌齋先輩為言茗生姓蔣名
士銓江西才子也因得芳訊寄余詞曲尤多今
年入翰林作詩寄之

萱慈花開月二分揚州壁上最憐君應劉才調生同世
稽呂交情隔暮雲大禮賦成南內獻清商歌滿六宮聞
為他蕭寺題詩者曾把紗籠手自薰

回首蓬萊廿載遙，喜聞詞客續金貂。雲仙舊夢都陳迹，才子新詩正早朝。江上書來三度雁，青山人老一枝簫。何當置酒旗亭雪，乞與吳趨送晚潮。

投鄭板橋明府

鄭爰三絕聞名久，相見邗江意倍懽。遇晚共憐雙鬢短，才難不覺九州寬。君云天下雖紅橋，酒影風燈亂山左。官聲竹馬寒底事，誤傳坡老死費君。老淚竟虛彈，有誤傳余死，者板橋大慟。

風帆

一葉高懸浪拍天，孤迎紅日孰爭先。風非不順吹難飽

海縱無邊住，有權力大勝騎龍馬。走身閑，長抱水雲眠。篙工未肯將君用，要等餘皇萬斛船。

初寒

久踈秋水愛斜陽，九月初寒漏漸長。夜坐不嫌人近燭，晨興忽見瓦留霜。身依燕玉堪娛老，心怯吳綿可在箱。我是家居眠未穩，天涯爭奈客思鄉。

再贈文玉

霜林紅葉好陽春，邂逅橫塘賦洛神。久已盧家傳少婦，况魚蘇小是鄉親。玉為盧氏，出杭州人。嬌鶯喘細將沈漏，軟雪竟消乍抱身。遮莫摩登花未散，又分惆悵與詩人。

春晴

今歲天公大有情，一冬無雪又春晴。
紅梅但覺飛香久，綠草何曾借雨生。
雙燕翅如迎曉日，百花心更望清明。
風光似此須行樂，莫管頭顱白幾莖。

自嘲

小眠齋裡苦吟身，才過中年老亦新。
偶戀雲山忘故土，竟同猿鳥結芳隣。
有官不仕偏尋樂，無子為名又買春。
自笑匡時好寸調，被天強派作詩人。

贈歸愚尚書

九十詩人衛武公，角巾重接藕花風。
手扶文運三朝內

名在東南二老中

上賜詩二老，江浙之大老。

健比張蒼，偏淡泊，廉如

高允，更清聰。當時全咏霓裳，客得附青雲也。自雄

香山社裡，領耆英，瀟灑何曾似六卿。兩後尋詩，雙蠟屐

花前扶路，一門生，笙歌徹夜，能堅坐。鳩杖隨身，但應名

蒙過病中談，娓娓早衰蒲柳，若為情。

望山尚書以七十生辰作相，仍督兩江，奉賀四首

久遲杖卜識君恩，留與先生慶七旬。調鼎人來雙鳳闕

稱觴，花滿一家春。韋平兩世黃扉業，伊呂三朝白髮身。

同是祝公無量壽，自天傳下語才真。

紫禁城頭駐玉車，青宮深處女兒家。萬釘寶帶天邊賜

十部笙歌宅裡詳，北面公侯爭把盞。東床帝子替簪花，
休誇與佛同生日。轉恐光榮佛尚差。公生日四月八日

生與南邦最有緣，四回江上月重圓。兒童竹馬頭成雪，
官舍甘棠樹拂天。聽說相公還借寇，喜放士女更留仙。
齊聲擬向君王奏，一个蒼生乞一年。

酒旗

客中誰勸醉如泥，賴有旗懸野店西。望見一竿村便好，
未停雙轡馬先嘶。風狂似欲招人急，花落遙知取價低。
我是天涯倦遊者，也曾小住喚偏提。

三月六日作有序

金姬小妹鳳齡鸞，昌門為女奴。余贖歸之年，才
十四，巧笑流嚴，有依妙而終焉之志。余老矣，不
欲為枯楊之稊，為擇少年郎嫁之。臨行泣下，余
不能無情，乃作是詩。

香山那忍遣楊枝也，費燈前十日思。紅杏太嬌春色小，
白頭如許夕陽知。比肩美玉看原好，入手明珠去恰悲。
寂寞蕭齋背花坐，避他含淚上車時。

移竹

移取琅玕三五枝，半遮樓閣半臨池。佳人倚袖寒猶薄，
高士遷家醉不知。要識虛心隨處好，莫矜晚節出山遲。

瀟湘帝子淇園客忽捲疎簾某在斯第三句一作碧鸞搖尾聲先到

乞花

但見紅粧意便傾狂言忽發紫雲驚鶯啼樹上非無主
春在人家信有情解語定教回面笑聞香先自出門迎
平生風骨峻增甚每到低頭總為卿

歲作詩者

倚馬休夸速藻佳相如終竟壓鄒枚物湏見少方為貴
詩到能遲轉是才清角聲高非易奏優曇花好不輕開
湏知極樂神仙境修煉多從苦處來

七月二十三日阿遲生原二

六十兒生太覺遲即將遲字喚吾兒高襟久祀心都倦
燕信初來夢恰奇鍾姬入門前一日悔賣琴書還想贖
怕看湯餅轉生悲萱堂握手彌留際猶問懸弧是幾時

寄懷梁山舟侍講

早辭金紫昵烟霞忘却蕭曹是世家一飯矜嚴常選客
半世孤冷不宜花每聞逸事多風義君子師門友相別
經年感鬢華難得清明好時節忽逢舊雨試新茶
墨譜牙章手自鶴寓言詩寄反遊仙君有反遊仙十三首談禪不
落三來後作措欲追兩晉前大小冠同杜子夏予一冠
人多笑之及見短長亭送謝臨川別來又覺秋風起四十年

首湖樓一黠然

小雪日香亭第贈灰鼠裘

雪珠如豆打茅茨阿第貽裘赴此時仙鼠蒙茸真可愛
老身長短更相宜著來小試妻孥看今得餘溫手足知
但願多情如晏相一披便作卅年期

讀白太傅集三首有序

人多稱余詩學白傳自慙平時于公集殊未宣
究今年從額南歸在香亭處借長慶集舟中讀
之始知陽貨無心貌類孔子然余性不飲又不
接佛二事與太傅異矣姑吟三首質太傅并質

好余詩者

人道儂詩半學公今看長慶集才終官途少累神先定
天性多情句自工手把酒杯仍獨醒口談佛法豈由衷
誰能學華形歌外頗不相同正是同

當年領郡最逍遙吳苑杭州景更饒五馬金鞭朝按部
雙鬢玉指夜吹簫簿書忙處常休沐客案閑時替造橋
滿口說歸歸已晚儘將清福占唐朝第八句本集作想
緣官樂是唐朝自

注云游山挾十妓
捧錢太多及置梁上

衰年未免悼龜羅駱馬揚枝奈老何朝裡最憐朋輩少
集中惟有妓名多詩如天女衣無縫心似秋江水不波

隨園詩錄 卷四
爭在辦香人供奉元之以後又東坡

隨園詩鈔卷之四

男三亥校

